

HLADAĆ KAŽ ZMÓR

čo. 49

- a) cyle lubje hladać
- b) so křiwje posměwknyć
- c) čornje hladać

Prawa je wotmołwa c.

Jeli hladamy kaž zmór, hladamy hněwnje abo čornje. To rěka, zo moršćimy čolo a pokazamy, zo so hněwamy, zo njejsmy z něčim přezjedni abo zbožowni.

Takle móžeš to tež prajić

čornje hladać_{ip}, hroznje hladać_{ip}, pochmurnje hladać_{ip}

Připódla prajene

Zmór abo zmórc je čłowjek ze špatnej naladu, kotryž husto mórkota a pumpota. Njeje runjewon radosć, z nim činić měć.

Přikłady z rěčneho korpusa

Njerěka džě podarmo, zo *hlada* štó tak čmowje *kaž zmór*. (Jěwa-Marja Čornakec, Matej w štwórtej dimensiji, Budyšin 1996)